

## Bēldoks

(Baladē)

Nebgērdiejau ont aukšta bēldoka,  
Tik apēntās par sāpna matiau:  
Blīški veida mon laumē atsōka, –  
Aš anā sāva eilēs skaitiau.

Ruodies, kuojēs iauga ē vējē.  
Līg išnīka už mōnēs tas kels,  
Katruo dolkiems žēnuojau atējēs, –  
Vēsos sviest bova lēngvos ē žals.

Tik nespiejau pajostē tuo gruožē:  
Šaltuo luovuo vēins pats pabodau:  
Viel ont aukšta kažkas apsēvuožē!  
Palēpau – ē bēldoka radau.

– „Diel kuo monēi sapnoutē neleidi?  
Kuo neduodi ramībēs nomams?  
Tāva baikas mon laumē pabaidē –  
Anuos duovēnas tēka kētam!”

Nosējoukēs mon bēldoks atsākē:  
– „Tāva orvs dīgoldagēs apžels,  
Je vaidensēs tau tuos laumēs akīs,  
Vēsos sviets bus tik lēngvos ē žals.

Kol ikīre aš bēldinsio aukšta,  
Tāva dūšie spakaine mēiguos.  
Pasvajuotē galiesi, ka šaukšta  
Gēltēnēlē iš ronku ištvuos!”

Nu tuo laika aš jau nebsapnoujo.  
Mōna laumē išnīka – kāp dūms.  
Vo eilutēs, katras sorimoujo,  
Galbūt – sau, gal ē dongou, gal – jums...

Tik žalioujē žuolēlē nubloka,  
Ēr ont aukšta neblēka bēldoka...